

Sahih Verilen Ferman

Kayseriye kadısı naibine

Taht-ı âlî baht-ı osmani üzere cülus-ı hümayun-ı meymenet-makrunum vaki olup umumen tecdid-i ahkam ferman olunmağla kayseriye kazasına tabi İsbıdın nam karyede vaki Nakkaş başı nam sahibü'l hayratın bina eylediği camii şerifde vazife-i muayyene ile imamet ve hitabet vazifesi ile cihetlerine ba berat-ı alışan mutasarruf olan seyyid feyzullahla rikabı hümayunuma gelib imamet ve hitabet cihetleri ve askeri beratıyla bunun üzerine encümen-i ashab ağrazından adbülmecid ve fethullah nam kimesneler maliye tarafından beratımız vardır deyu ciheti mezburana müdahale ve gadri murad eylediklerinden ikdam-ı sairede bir kimesnenin kaydı olmadığı bade'l-der-kenar hilaf Vâki olduğuna binaen ciheti mezbureteyn Seksen sekiz senesi muharreminde ba arz-ı hal merkum seyyid feyzullaha kemakan ibka ve berat olunduğu Ruznamçe-i askeride mukayyed ve sâbıkuz zikr imamet ve hitabet cihetlerine babası Hacı mehemed'in mahlulünden mutasarrıf olup hizmetinde mukîm iken abdülmecid ve Fettullah nam kimesneler bundan akdem yedlerimizde maliye tarafından ciheti mezbureteyn için beratımız vardır diye müdahale eyledikleri hilaf-ı inha olduğuna binaen imamet ve hitabet merkum kemakân kenduya ibka Ve askeriden berat verilmeyüp bir türlü müdahale iktiza etmez iken merkuman fevt oldukda oğulları emir Mustafa ve Mehmet emin ve abdülhalim nam kimesneler ciheti mezbureteyni dahi babamızdan intikal eyledi deyu sahte beratı ibraz ve gadr sevdasında olduğu mukaddeme inha ve ba berat askeri ,üzerinde olan imamet ve hitabet kemakan kenduya zabt ettirmek babında inayet istid'a ve ciheteyn-i mezbureteyn merkum seyid feyzullah üzerine olup merkum Mustafa ve Mehmet ve abdülhalimin kayıtları olunmadığı aklâmdan işaret olunmağla mahallinde imamet ve hitabet merkumeye taarruz eden merkumun meclis-i şere ihzâr ve yedlerine olup sened ittihaz eyledikleri beratın aklâmdan kayıtları bulunmadığına binaen ibraz eyledikleri beratı mahkul berat ise sıdkı merkezce malum olmak için bir mutemet kimesne ile Deraliyeye tesyir olmak babında emri şerifim sudurını reisü'l küttâb-ı esbak ilâm itmekle ilâmı mucebince amel olunmak babında Hüdavendgâr-ı sâbık merhum ve mağfurun leh ammim sultan Abdülhamit Han tâbe-serah zamanında bin yüz doksan yedi senesi evâil-i şabanında emri şerif verildiğün bildürüb tecdidin reca etmeğin hilaf-ı Emr-i ali mukaddemen sadır olan emr-i ali mucibince amel olunmak babında fi evahir-i rebiülahir sene 205 tarihli rikab-ı müstetaba divan-ı hümayun tarafına emr-i ali verildiği mukayyed

Fi 7 rebiülahir sene 206

Sahh Derkenârı mücebince mü'ekked hükm buyuruldu.Fî 11 R. sene 1206

Devletlü İnyetlü merhemetlü efendim

Bu kulları ashabi hayrattan Nakkaş Başı nam sahibül-hayrat Kayseriye kazasına tabi İsbıdın nam karyesine bina eylediği camii şerifinin ba muayyene imamet ve hitabetine babam el-hac Mehmet mahlulundan ba beratı şerif ile mutasarruf olup müdahale icab etmez iken Abdülmecid ve Fethullah nam kimesneler zuhur ve bizim maliyeden beratımız vardır diye mukaddema müdahale ve ciheteyni mezburiyeteyn aklamı saireden kaydı olmadığı işaret olunmağla 88 senesi muharreminden ibka ve

ruznemçe-i askeriden tekrar berat verilmeyip bu kere merkuman fevt olmakla oğulları emin Mustafa ve Mehmet Emin ve Abdulhalim nam kimseler dahi babamızdan kaldı diye berat ibraz ve berat-ı mezkur bila kayd olmağla ledel inha ve istida mezburlar mahallinde şer-i ihzar ve yedlerinde olan beratın sıdk ve kizbi malum olmak için bir mutemet kimesne ile deraliyeye tesyir olunmak babında reisül küttab-ı esbak ilamıyla yedime emr-i şerif ita olunmuşken infaz ve icra olduğundan Taaddiden hâlî olmamalarıyla merahim-i aliyyelerinden mercudur ki emr-i mezkurun kaydı derkenar ve malum-ı devletleri buyuruldukda derkenarı mucibince te'kidi havi müceddeden emri şerifi ihsan buyurulmak babında emrû ferman devletlü inayetlü efendimizindir.

Seyit Feyzullah

İmam ve hatip

Cami-i mezbur